

Fegl d'infurmaziun per la calculaziun dal salari

Partiziun Finanzas, avust 2025

Chaussas generalas

Las disposiziuns da la Lescha davart las scolas popularas per las personas d'instrucziun (art. 56 ss.) valan conform al senn er per lur substituziuns sco er per las personas d'instrucziun e per las personas spezialisadas en il sector da las mesiras da la pedagogia speziala.

Calculaziun dal salari per substituziuns

- La basa per fixar il salari annual è la tabella da salarisaziun per las personas d'instrucziun da la scola populara publica.
https://www.gr.ch/DE/institutionen/verwaltung/ekud/avs/Volksschule/LP_Gehaltstabelle_rm.pdf
- Personas d'instrucziun che surpiglian ina substituziun han il dretg da survegnir in 13avel salari mensil proporziunal a partir da l'emprim di da lur engaschament (art. 56 al. 1).
<http://www.gr-lex.gr.ch/data/421.000/rm>
- Il pensum cumplain d'ina persuna d'instrucziun importa 1131 lecziuns per onn (29 lecziuns x 39 emnas da scola).
- Il pensum d'ina persuna d'instrucziun da classa dal stgalim da scolina, dal stgalim primar e dal stgalim secundar l vegn reduci – tenor l'art. 62 al. 2 da la Lescha davart las scolas popularas – per 1 lecziun per emna da scola.
- Pervia da divers firads legals u locals na vegnan betg dadas 1131 lecziuns per onn durant mintga onn da scola. En las 1131 lecziuns per onn èn cumpigliadas er quellas lecziuns che crodan sin in firà. Durant ina substituziun ston uschia medemamain vegnir resguardadas per calcular il salari resp. medemamain vegnir pajadas quellas lecziuns che crodan sin in firà, perquai ch'i sa tracta da firads pajads.

Recumandaziun per la calculaziun dal salari:

Persuna d'instrucziun:

Salari annual: $1131 \times$ (lecziuns instruidas effectivamain + lecziuns, che crodan sin in firà)

Persuna d'instrucziun da classa:

Salari annual: $1131 \times$ (lecziuns instruidas effectivamain + lecziuns, che crodan sin in firà + 1 lecziun da distgargia per emna da scola instruida)

Exempel:

Ina persuna d'instrucziun da classa primara instruescha 10 lecziuns per emna (mintga di duas lecziuns) per ina durada da 12 emnas da scola. Sche p.ex. il venderdi sontg u il glindesdi da Pasca croda en quest temp, ston er mintgamai quellas 2 lecziuns vegnir indemnissadas, perquai ch'i sa tracta da firads pajads.

Calculaziun:

Salari annual: 1131×132 (116 lecziuns instruidas efectivamain + 4 lecziuns (per dus firads pajads) + 12 lecziuns (1 lecziun da distgargia per emna da scola))

Calculaziun dal salari en cas d'in congedi betg pajà

L'Uffizi per la scola populara ed il sport recumonda da calcular il salari analogamain a l'art. 14 da l'Urden da basa per la relaziun da lavur da las personas d'instrucziun da la Scola chantunala grischuna.

Perquai ch'il dretg da vacanzas da las personas d'instrucziun è cuntegnì en il temp senza instrucziun e perquai che quest temp na po betg vegnir sminuì realmain pervia da las datas prescrittas da l'onn da scola, sto il temp senza instrucziun vegnir resguardà proporziunalmain en la sistida dal salari. Quai vegn fatg cun converter emnas d'instrucziun en dis salarisads.

Uschia sto la dimensiun da la sistida dal salari vegnir calculada sco suonda:

| | | |
|---|---|--|
| 252 dis: 39 emnas d'instrucziun | = | 6,5 dis da sistida dal salari per in'emna congedi betg pajà, che cumpiglian in'emna d'instrucziun (arrundà). |
| (365 dis minus 113 sondas, dumengias e firads) | | |
| Tariffa per di salarisà: | | 1/21 dal salari mensil tenor l'art. 11 al. 4 lit. a OP |

Ad ina persuna d'instrucziun vegnan permessas 8 emnas congedi betg pajà. 2 da quellas emnas crodan en l'uschenumnà temp senza instrucziun (vacanzas da scola).

Calculaziun:

$(8-2) \times 6,5 \times (1/21 \text{ dal salari mensil}) = \text{dimensiun da la sistida dal salari}$

Sche Vus avais dumondas, As drizzai per plaschair a l'Uffizi per la scola populara ed il sport, partiziun Finanzas (081 257 27 27, finanzen@avs.gr.ch).